




ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 82 (11.893)

Баҳоси эркин нарҳда



БУЮК ВА МУҚАДДАССАН, МУСТАҚИЛ ВАТАН!

ПОЙТАХТНИНГ БИР КУНИ

Бугун «Ўзэкспомарказ» мажмуасида «Ўзбекистон соғлиқни сақлаш ҳафталиги» доирасида «Соғлиқни сақлаш», «Аптека» ва «Стоматология» – бирийла учта халқаро кўргазмалар иш бошлади. Уфузли тадбирнинг ташкилотчилари «UFI» аъзоси бўлган «ITE Uzbekistan» компанияси ҳамда унинг ҳамкори «I.T.E. Exhibitions & Conferences Ltd» (Буюк Британия) ҳисобланади.



Қосим Улмасов олган сурат

Тошкентда 22-23 апрель кунлари «Демократик ислохотларни янада чуқурлаштириш ва фуқаролик жамиятини ривожлантириш концепцияси» мавзусида халқаро илмий-амалий конференция бўлиб ўтди. ЎЗА мухбирлари конференция иштирокчиларининг айримлари билан суҳбатлашди.

«ЎЗБЕКИСТОННИНГ ДУНЁ ҲАМЖАМИЯТИДАГИ ЎРНИ МУСТАҲКАМЛАНИБ, НУФУЗИ ОШИБ БОРМОҚДА»

Евгений КОЖОКИН, Меҳнат ва ижтимоий муносабатлар академияси ректори (Россия):

– Ушбу тадбир Ўзбекистоннинг тараққиёт моделига қизиқиб қолган барча иштирокчилар учун жуда муҳим ва долзарб маълумотларга бой анжуман бўлди. Ўзбекистоннинг тўғри танлаган тараққиёт йўли, айниқса, тобора ошаётган саноати салоҳияти диққатимизни тортди. Босни, МДХ мамлакатларида саноатни барқарор ривожлантириш бугунги куннинг долзарб масалаларидан бири ҳисобланади. Мамлакатингизда саноатнинг босқичма-босқич диверсификация қилинаётгани, соҳани такомиллаштириш учун янги дастурларнинг ишлаб чиқилаётгани ибрат оلسа арзиғулик бой тажрибадир.

Концепцияда белгиланган устувор йўналишлар – бизнес-лойиҳаларни амалга оширишни энгиллаштириш, хусусий тадбиркорлик ва оилавий бизнесни ривожлантириш мақсадида қонуниликка киритилиши режалаштирилган ўзгаришлар бизда катта қизиқиш уйғотди. Мамлакатингиз билан ўзаро ҳамкорлик алоқаларини янада ривожлантириш тарафдоримиз.

Андреас АНДРИНОПУЛОС, Грециянинг Америка коллежи ҳузуридаги Дипломатия ва халқаро муаммолар институти директори (Греция):

– Ўзбекистонда иқтисодиётда кичик бизнес ва хусусий тадбиркорликнинг ўрни ва улушини янада кенгайтириш борасидаги ишларни янада такомиллаштиришга, парламент фаолиятини ривожлантиришга, кўппартиявийлик тизими ва партиаларо рақобатни кучайтиришга алоҳида эътибор қаратиладигани ўзининг юксак самараларини бермоқда.

(Давоми 2-бетда)

Кўргазмалар

ХАЛҚАРО ТИББИЁТ ҲАФТАЛИГИ

Бу галги кўргазмаларда иккита павильонда тўрт кун давомида 26 мамлакатдан 140 дан зиёд компания тиббиёт, фармацевтика, стоматология, лаборатория ускуналари, дори-дармон воситалари, тиббиёт технологиялари, касалликларнинг олдини олиш, таъхис қўйиш ҳамда даволашнинг энг янги усуллари ва хизмат кўрсатиш йўналишлари намойиш этилади.

Тадбирда маҳаллий соҳа вакиллари билан бир қаторда Германия,

Испания, Россия, Молдова, Польша, АҚШ, Миср, Беларус, Венгрия, Швейцария, Япония, Финляндия, Бирлашган Араб Амирликлари, Литва ва Хитой каби давлатлардан йирик компаниялар қатнашмоқда. Экспонатларнинг 55 фоиздан зиёди доимий иштирокчиларники бўлса, қолганларини дебютантлар ташкил этади.

Мамлакатимизда истиқлол шарофати билан кўплаб соҳаларда бўлгани каби соғлиқни сақлаш тизимида оналар ва бо-

лалар саломатлигини муҳофаза қилиш, ўсиб келаётган авлодни хасталиклардан асраш, репродуктив саломатлиқни мустаҳкамлаш борасида ибратли ишлар амалга оширилмоқдаки, соҳадаги изчил ислохотлар шу бос юксак самаралар берапти. Замонавий тиббий ускуналар билан жиҳозланган диагностика, скрининг, перинатал марказлари, туғруқ мажмуалари, шифохона, оилавий поликлиникалар аҳоли хизматига.

(Давоми 2-бетда)

МУСТАҚИЛЛИК НИҲОЛЛАРИ

Президентимиз Ислам Каримовнинг 2011 йил 6 апрелда қабул қилинган «Ўзбекистон Республикаси давлат мустақиллигининг йигирма йиллигини нишонлашга тайёргарлик кўриш ва уни ўтказиш тўғрисидаги Қарорига кўра, мамлакатимиз таълим муассасаларида ўқувчи ва талабалар учун ёшларнинг мустақиллигини мустаҳкамлашдаги ўрни ва аҳамиятига бағишлаб қатор тадбирлар ўтказилмоқда.

Ўзбекистон Адлия вазирлиги томонидан 1-республика педагогика коллежида ташкил этилган ана шундай учрашув «Биз – мустақиллик ниҳолларимиз» деб номланди.

Тадбирда тарихан қисқа даврда халқимизнинг хоҳиш-иродаси, бунёдкорона меҳнати эвазига юртимизда барча соҳаларда туб ўзгариш ва янгиланишлар юз бераётгани таъкидланди. Буни 1-республика педагогика коллежи фаолиятида ҳам кўриш мумкин.

– Коллежимиз мустақиллик йилларида замонавий ўқув даргоҳи сифатида шаклланди, – дейди ЎЗА мухбирига мазкур коллеж директорининг ўринбосари Муҳиддин Тошев. – Тубдан реконструкция қилинган ўқув биноси замонавий ахборот технологиялари билан тўла таъминланди. Ўқувчиларнинг ўқиши, спорт билан шуғулланиши, касб сирларини чуқурроқ эгаллаши учун барча зарур шарт-шароит яратилди.

Коллеж ўқувчилари нафақат мамлакатимиз, балки жаҳон миқёсида кўплаб зафарларга эришмоқда. Осиё Жайлобова Зулфия номидagi давлат мукофоти совриндори, Нозима Исаева қаратэ бўйича Осиё чемпиони бўлган. «Маърифатли юрт фарзандимиз» республика танловида Назокат Мирҳабибова 1-ўринни кўлга киритган бўлса, Асомиддин Ўринов халқидо бўйича Жанубий Кореяда бўлиб ўтган мусобақада 1-ўринни эгаллади. Бу рўйхатни яна давом эттириш мумкин.

Тадбирда коллеж ўқувчиларига мустақилликнинг моҳияти, ҳуқуқий давлат асосларини мустаҳкамлаш борасида қабул қилинган янги қонунлар мазмуни ва аҳамияти ҳақида маълумотлар берилди. Ўқувчилар ўзларини қизиқтирган саволларга жавоб олдилар.

Н.АБДУРАИМОВА

Шу кунларда республикамиз бўйлаб ўзини ўзи бошқариш органлари сайловига тайёргарликлар қизғин кетмоқда. Олий Мажлис Сенати Кенгашининг қарорига асосан жорий йил май-июнь ойларида барча маҳаллаларда фуқаролар йиғинлари раислари ва уларнинг маслаҳатчилари сайлови бўлиб ўтади. Ушбу муҳим ижтимоий-сиёсий тадбирнинг юқори савияда ва қонун талабларига мувофиқ ўтказилишини таъминлаш мақсадида парламент юқори палатаси Кенгаши ҳамда халқ депутатлари маҳаллий Кенгашлари даражасида сайловни ташкил этиш ва ўтказишга кўмаклашувчи комиссиялар тузилди.

Халқ депутатлари Тошкент шаҳар Кенгашининг сессиясида «Маҳалла» ва «Нуроний» жамғармалари, «Камолот» ЕИХ, хотин-қизлар кўмиталари, касаба уюшмалари, давлат муассасалари вакиллари, маҳаллий Кенгаш депутатларидан иборат шаҳар ҳамда туман комиссияларининг таркиби тасдиқланди.

Мазкур комиссиялар жойларда ташкил этилган ишчи гуруҳлари фаолиятини мувофиқлаштириб боради. Хар бир маҳаллада фуқаролар йиғини кенгаши чакрилиб, ҳудудда жойлашган корхона, муассаса ва ташкилотлар вакиллари, шунингдек амалдаги фуқаролар йиғинларига аъзо бўлмаган фаол фуқаролар таркибида ишчи гуруҳи шакллантирилди. Сайловга тайёргарлик қандай олиб

Кучли фуқаролик жамияти сари

САЙЛОВ – ДЕМОКРАТИЯНИНГ ЁРҚИН ИФОДАСИ

борилади? Сайловни ташкил этиш ва ўтказишга кўмаклашувчи комиссиялар қандай ваколатга эга? Ишчи гуруҳлари вакиллари нимадан иборат? Шу каби саволлар сайловлар ташкил этиш ва ўтказишга кўмаклашувчи шаҳар ва туман комиссиялари аъзолари, 476 та маҳаллада фаолият бошлаган ишчи гуруҳлари раислари иштирокида ўтқа-

зилган семинарда ўз аксини топди. Мазкур тадбир халқ депутатлари Тошкент шаҳар Кенгашининг фуқаролар йиғинлари раислари ва уларнинг маслаҳатчилари сайловини ташкил этиш ва ўтказишга кўмаклашувчи комиссияси ташаббуси билан Олий Мажлис Сенати ҳамкорлигида ташкил этилди.

(Давоми 2-бетда)

ЖАҲОНДА

• Венгрия президенти Пал Шмитт мамлакатнинг янги конституциясини имзолади. Маълумки, бундан бир ҳафта муқаддам янги конституция мамлакат парламенти томонидан қабул қилинган. Ушунда парламентдаги оппозицион партия вакиллари овоз бериш жараёнида қатнашмасликларини билдиришган эди. Ана шундай қаршилик ва норозиликларга қарамайдан, мамлакатнинг янги конституцияси қабул қилинди.

• Кот д'Ивуарнинг йирик шаҳри Абиджанда 2010 йил 28 ноябрда ўтказилган президент сайловлари натижасини тан олмаётган ва ўз лавозимини тарк этишни истамаган мамлакатнинг собиқ президенти Лоран Гбабо тарафдорларига қарши қуроли операция давом этмоқда. Гарчи 11 апрелда Гбабо ҳибсга олинган бўлсада, унинг тарафдорлари қонуний ҳокимиятга бўйсунини истамаяптилар. Ҳозирда энг оғир вазият Абиджанинги шимоли-ғарбий ҳудудида вуқудга келган.

• АҚШнинг Техас, Виржиния штатларида юзага келган ўрмон ёнгинлари оқибатида юздан ортиқ турар жой биноси куйиб, кул бўлди. Маълумотларга кўра, баландлиги 7-8 метрни ташкил қилган кучли аланга 500 квадрат километрни қамраб олган. Кучли шамол ва иссиқ ҳаво офатнинг кучайишига сабаб бўляпти. Ёнгинни бартараф этиш учун кўплаб ўт ўчириш гуруҳлари жалб этилган.

• Вьетнамдаги Ха Лон кўрғазмида сайёҳлар катери сувга чўкиб кетди. Натижада 30 нафардан зиёд сайёҳ ҳалок бўлган, 20 га яқин кишининг ҳаёти сақлаб қолинган. Маълумотларга кўра, ушбу бахтсиз ҳодиса денгизда юзага келган тўфон оқибатида содир бўлган.

• АҚШнинг Сандиа миллий лабораториясида рақ ҳужайраларини соғлом ҳужайралардан бир зумда ажратиб берадиган лазерли технология ишлаб чиқилди. Келажақда бу технология рақ касаллигининг бошланғич даврини аниқлашга ёрдам беради. Айни кунларда даволашнинг янги усули сичқон жигари ҳужайраларида синаб кўрилмоқда.

